



БУЛГАН АЙМГИЙН ЗАСАГ ДАРГЫН ЗАХИРАМЖ

2022 оны 04 сарын 29 өдөр

Дугаар 7283

Булган сум

Г Журам батлах тухай Т

Монгол Улсын төрийн албаны тухай хуулийн 61 дүгээр зүйлийн 61.1.10 заалт, "Аймгийн Засаг даргын Тамгын газрын хөдөлмөрийн дотоод журам"-ын 7 дугаар зүйлийн 7.2.4 дэх заалтыг тус тус үндэслэн ЗАХИРАМЖЛАХ нь:

- 1."Аймгийн Засаг даргын Тамгын газрын албан хаагчид орон сууцны нэг удаагийн буцалтгүй тусlamж үзүүлэх журам"-ыг хавсралтаар баталсугай.
- 2."Аймгийн Засаг даргын Тамгын газрын албан хаагчид орон сууцны нэг удаагийн буцалтгүй тусlamж үзүүлэх журам"-ыг мөрдөж, хэрэгжүүлэх ажлыг зохион байгуулахыг Тамгын газар (Д.Алтаншагай)-т даалгасугай.
- 3.Энэхүү журам гарсантай холбогдуулан аймгийн Засаг даргын 2014 оны 04 дүгээр сарын 11-ний өдрийн А/165 дугаар захирамжийг хүчингүй болсонд тооцсугай.



АЙМГИЙН ЗАСАГ ДАРГЫН ТАМГЫН ГАЗРЫН АЛБАН ХААГЧИД
ОРОН СУУЦНЫ НЭГ УДААГИЙН БУЦАЛТГҮЙ ТУСЛАМЖ
ҮЗҮҮЛЭХ ЖУРАМ



Нэг. Нийтлэг үндэслэл

1.1. Аймгийн Засаг даргын Тамгын газарт ажиллаж байгаа төрийн албан хаагчдад орон сууцны нөхцөлөө сайжруулах, орон сууц худалдан авах, орон сууц барихад нь зориулан нэг удаагийн буцалтгүй тусlamж үзүүлэхэд энэхүү журмыг мөрдөнө.

**Хоёр. Төрийн албан хаагчдад орон сууцны нэг удаагийн буцалтгүй
тусlamж үзүүлэх зарчим, нөхцөл**

2.1. Төрөөс урьд өмнө орон сууц авч байгаагүй төрийн албан хаагчийг хамруулна.

2.2. Төрийн албан хаагчдад хөнгөлөлт үзүүлэх дарааллыг тогтоохдоо төрийн албанд ажилласан жил, орон сууцны хэрэгцээ, ажлын үр дүн, идэвхи зүтгэл зэргийг харгалзан үзэж, аймгийн Засаг даргын Тамгын газарт 10-аас дээш жил ажиллаж байгаа албан хаагчид (10 буюу түүнээс дээш жил гэрээтээр ажиллаж байгаа ажилтан ажлын үр дүнгээр хамрагдаж болно) энэхүү тусlamжийг үзүүлнэ.

2.3. Албан тушаалын орон сууцанд амьдардаг албан хаагч болон томилолтоор ажиллаж байгаа төрийн албан хаагчдад энэ тусlamжийг олгохгүй.

2.4. Төрийн албаны тухай хууль болон холбогдох бусад хууль, журамд зааснаар нэг удаагийн буцалтгүй тусlamж олгох нөхцөл хангасан төрийн албан хаагчид энэ тусlamжийг нэг жилд давхардуулан олгохгүй.

2.5. Гэр бүлийн гишүүд төрийн албан хаагч, амьдралын эх үүсвэр нь Тамгын газарт ажилладаг төрийн албан хаагчийнх бол хөнгөлөлт үзүүлэхэд харгалзан үзэж болно.

2.6. Төрийн албан хаагчдад орон сууцны хөнгөлөлт үзүүлэх асуудлыг хамт олонд нээлттэй, ил тод, шударга байх зарчим баримтлан аппаратын зөвлөгөөнөөр хэлэлцэж шийдвэрлэнэ.

Гурав. Орон сууцны нэг удаагийн буцалтгүй тусlamж үзүүлэх

3.1. Төрийн албан нэг хаагчид орон сууцны нөхцөлөө сайжруулахад зориулсан нэг удаагийн буцалтгүй тусlamж олгох хэмжээ 10.0 сая төгрөг байна.

3.2. Төрийн албан хаагчдад орон сууцны нөхцөлөө сайжруулахад зориулсан нэг удаагийн буцалтгүй тусlamжийн хөрөнгийн хэжээнээс шалтгаалан жилд хэдэн ч хүнд олгож болно.